

Հ. Ա. Իսահակյան

ԼԵՆԻՆՅԱՆ „ԻՍԿՐԱ“-Ն ԵՎ ՌԵՎՈԼՅՈՒՑԻՈՆ ՇԱՐԺՈՒՄՆԵՐԸ
ՀԱՅԱՍՏԱՆՈՒՄ
(1900—1903 թթ.)

19-րդ դարի վերջին ռուսական սոցիալ-դեմոկրատների շրջանում գոյություն ունեցող գաղափարական տարաձայնությունների և կազմակերպական անջատվածության պայմաններում չափազանց դժվար էր ստեղծել բանվոր դասակարգի միասնական մարքսիստական պարտիա, Վ. Ի. Լենինը միասնական պարտիայի ստեղծման համար առաջին գործնական քայլը համարում էր համառուսական քաղաքական լրագրի ստեղծումը: Լրագիրը, նրա կարծիքով, պետք է լինի այն թելը, որը որմնադիրին ցույց է տալիս, թե շենք կառուցելիս որտեղ պետք է շարել քարերը: «Մեզանում կան և՛ քարեր, և՛ որմնադիրներ, իսկ բացակայում է հենց բոլորի համար տեսանելի թելը, որը կարողանաք բոլորի համար ուղեցույց լինել»¹:

Միայն այդպիսի քաղաքական լրագիրն էր ի վիճակի սոցիալ-դեմոկրատական խմբակները շեղել տեղական նեղ շահերից և նրանց ներգրավել ընդհանուր պարտիական և ընդհանուր դասակարգային խնդիրների համար մղվող պայքարի մեջ: Այդպիսի լրագիրը, նշում էր Լենինը, կդառնա ոչ միայն կոլեկտիվ պրոպագանդիստ և ագիտատոր, այլև կոլեկտիվ կազմակերպիչ: Դա կլինի այն գլխավոր օղակը, որից բռնելով միայն հնարավոր կլինի հասնել ցանկալի նպատակին՝ ստեղծել միասնական ու ամրակուռ պարտիա:

Այդպիսի թերթ հանդիսացավ Լենինի ստեղծած «Իսկրա»-ն, որը կարճ ժամանակամիջոցում այնքա՜ն շատ բան արեց մասսաների քաղաքական դաստիարակության համար:

«Իսկրա»-ն անողոք պայքար ծավալեց մարքսիզմի ամեն գույնի ու երանգի թշնամիների դեմ և հաղթանակով դուրս եկավ այդ պատվավոր պայքարից: «Իսկրա»-ն Լենինի ղեկավարությամբ դարձավ ռևոլյուցիոն սոցիալ-դեմոկրատիայի մարտական օրգանը: Նա արթնացնում էր մասսաների ռևոլյուցիոն գիտակցությունը, պրոլետարիատին պայքարի հանում, բանվորական շարժումը միացնում գիտական սոցիալիզմին, զարգացնում մարքսիստական թեորիան, մշակում ռևոլյուցիոն տակտիկա և դրանցով զինում բանվոր դասակարգին: «Իսկրա»-ի ձայնը հասնում էր Ռուսաստանի բոլոր անկյունները և շահագործվող դասակարգերին կոչ էր անում՝ համախմբվել մարքսիզմի դրոշի ներքո: Ինչպես գրել է Լենինը՝ «...«Իսկրա»-ն դարձավ պարտիա և պարտիան դարձավ «Իսկրա»...»²:

Սակայն մեր նպատակը չէ այս հոդվածում շարադրել «Իսկրա»-ի դերը

¹ Վ. Ի. Լենին, Ծրվեր, հատ. 8, էջ 109:

² Վ. Ի. Լենին, Ծրվեր, հատ. 34, էջ 178:

և նրա գործունեությունը ընդհանրապես: Մենք այստեղ կաշխատենք համառոտ կերպով ցույց տալ, թե համառոտական քաղաքական մարքսիստական այդ առաջին անլեզալ թերթը ինչպիսի անգնահատելի գեր իադաց Հայաստանի աշխատավոր մասսաների քաղաքական դաստիարակության և նրանց ռևոլյուցիոն շարժումների կադմակերպման ու ծավալման գործում:

* * *

Անցյալ դարի վերջին քառորդում կապիտալիզմը սկսում է արագորեն զարգանալ նաև Անդրկովկասում: Արդյունաբերության զարգացման, տնտեսական և առևտրական կապերի ընդլայնման հետևանքով ռուսական արդյունաբերական ապրանքները ողողում են Անդրկովկասը և դուրս մղում տնայնագործական արտադրության ապրանքները:

«Այսպիսով ռուսական կապիտալիզմը,— գրում է Վ. Ի. Լենինը,— Կովկասը ներգրավում էր համաշխարհային ապրանքային շրջանառության մեջ. համահարթում էր հինավուրց նահապետական ինքնամփոփվածության մնացորդ հանդիսացող նրա տեղական առանձնահատկությունները, իր գործարանների համար շուկա էր ստեղծում»³:

Կապիտալիստական արդյունաբերության որոշ ճյուղեր առաջացան նաև Հայաստանում:

Ստ. Շահումյանը այդ մասին գրում է.

«Նվիրդական կապիտալիզմը, որ տիրապետող արդյունագործական եղանակ էր դարձել Ռուսաստանում վերջին տասնամյակների ընթացքում, մուտք գործեց և մեր երկիրը և դրեց իր ուժեղ և ուրույն դրոշմը հայկական իրականության վրա»⁴:

Կապիտալիստական արդյունաբերության հիմնական ճյուղերը Հայաստանում հանդիսանում էին պղնձի և սպիրտի (գինի, կոնյակ) արդյունաբերությունը: Բանվոր դասակարգի ձևավորման համար հատկապես կարևոր նշանակություն ունեցավ Ալավերդում. Շամլուղում և Ղափանում պղնձի արդյունաբերության ընդլայնումը:

Հայաստանի և՛ բանվորների, և՛ գյուղացիների դրությունը ծայր սուտի՝ ճան անտանելի էր: Նրանք գուրկ էին քաղաքական ամեն տեսակ իրավունքներից: Ձեռնարկատերերը ամեն մի հասարակ բանի համար տուգանում էին բանվորներին և պահում նրանց աշխատավարձից: Հատկապես անտանելի էին բանվորների կենցաղային պայմանները. նրանք ապրում էին կեղտոտ, խոնավ և մութ նկուղներում, ընդհանուր սրահներում:

Անդրկովկասի բանվորների և գյուղացիների ծանր վիճակի մասին «Իսկրա»-ն տպագրել է բազմաթիվ թղթակցություններ ու նամակներ:

Վ. Ի. Լենինը շափազանց մեծ նշանակություն էր տալիս բանվորական թղթակցություններին ու նամակներին և չէր դադարում հիշեցնել «Իսկրա»-ի գործակալներին, որ նրանք լայնացնեն իրենց կապերը բանվորների հետ և որքան հնարավոր է ավելի շատ բանվոր ու գյուղացի թղթակիցներ համախմբեն լրագրի շուրջը: Վ. Ի. Լենինը խմբագրությունում ստացվող բոլոր նամակներն առձամբ կարդում էր, պատասխաններ գրում, խորհրդակցում թղթակիցների

³ Վ. Ի. Լենին, Հատ. 3, էջ 771:

⁴ Ստ. Շահումյան, Ընտիր երկեր, Երևան, 1948, էջ 70:

հետ, խորհուրդներ տալիս նրանց. «...Հաղորդեցե՛ք... բանվորներին — գրում է Վ. Ի. Հենիյնը,— և հայտնեցե՛ք նրանց մեր խնդրանքը, որ նրանք խնքներն էլ գրեն մեզ ՈԶ ՄԻԱՅՆ մամուլի համար, այլ հենց այնպես, մտքերի փոխանակության համար, որպեսզի չկորցնենք մեր միջև եղած կապն ու փոխադարձ ըմբռնումը»:

Բանվորներն այլևս չեն ուզում հաշտվել իրենց իրավագուրկ և տնտեսական ծանր վիճակի հետ, նրանք բողոքի ցույցեր են սարքում, պահանջներ ներկայացնում գործարանատերերին: Ահա «Իսկրա»-ի N 16-րդ նրանում տպագրված բանվոր-թղթակցի նամակը պարզ ու անպաճույճ լեզվով պատմում է ծանր վիճակի մեջ աշխատող ու ապրող բանվորների դրության մասին: Հեղինակն այդ նամակն ավարտում է իր ընկերներին ուղղված հետևյալ խոսքերով.

«Մեր կյանքը գուրկ է որևէ ուրախությունից, այն միայն ճանապարհ է դեպի գերեզման: Լավ չէ՝ ուրեմն մեռնել ոչ թե հաստոցների առաջ որպես ճորտներ, այլ մեռնել՝ պայքարելով ազատության լավ ապագայի համար...»: «Իսկրա»-ն բանվոր դասակարգին դաստիարակում էր ինտերնացիոնալիզմի, ապագա ռևոլյուցիայի մեջ ունենալիք իր հեզեմոն գերի ըմբռնման ոգով: Անդրկովկասում ռուս, հայ, վրացի, ադրբեջանցի, պարսիկ, թաթար և ուրիշ ազգերի բանվորները կողք-կողքի և ուս-ուսի դուրս էին գալիս հակացարական բացահայտ ելույթների, որոնց դեմ կառավարությունը շատ հաճախ ստիպված էր լինում դիմել գործի միջամտությանը: «Իսկրա»-ն նշում էր, որ բանվորների գիտակցության աճին ու զարգացմանը մեծ չափով նպաստում են բանվորական ժողովները, գրույցները բանվորական հարցի մասին և բրոշյուրների տարածումը ռուս, վրացի և հայ բանվորների մեջ:

Անդրկովկասում սոցիալ-դեմոկրատական կազմակերպությունների ստեղծման, մարքսիզմի տարածման և ռևոլյուցիոն շարժումների ծավալման վրա լենինյան «Պայքարի միության» և «Իսկրա»-ի թողած ազդեցությունը պայծառ էջ է բոլշևիզմի հերոսական տարեգրության մեջ: Պետերբուրգի «Միության» մեջ մտնում էին նաև հայ ուսանողներ, որոնք անցնելով լենինյան դաստիարակության դպրոցը, հետագայում աշխատեցին իրենց հայրենիքում և տարածեցին Ռուսաստանի պրոլետարիատի ռևոլյուցիոն հարուստ փորձը: Անդրկովկասի աշխատավորության քաղաքական ինքնագիտակցության բարձրացման գործում քիչ դեր չխաղացին Վովկաս արստրված ռուս բանվորներն ու ռևոլյուցիոններները (Ֆ. Աֆանեսև, Գ. Ֆրանչեսկի, Ի. Լուզին, Ի. Կոզարենկո, Լ. Կրասին, Ս. Ա. իլուն, Վ. Կուռնատովսկի, Մ. Կալինին և ուրիշներ):

Այդ շրջանում Անդրկովկասում գործում էին բազմաթիվ մարքսիստական խմբակներ: Նրանցում ընդգրկված հայ, ռուս, վրացի, ադրբեջանցի, թաթար և այլ ազգերի շատ բանվորներ հոգևոր ստրկությունից փրկության ուղի էին որոնում: Նրանց այլևս չէր բավարարում լեզալ մամուլը: Մարդիկ ծարավ էին անլեզալ մամուլի, գրականության, որի էջերում ամբողջ ձայնով հնարավոր լինեի խոսել իրերի իսկական դրության և պրոլետարիատի խնդիրների մասին: Ճնշված պայմաններում, — գրել է Ստ. Շահումյանը, — անհնարին է ունե

առաջադիմական հասարակական գործ կատարել խաղաղ, օրինական ճանապարհով, յեզայլ զրականության միջոցով»⁶:

Ահա թե ինչու «Բակրա»-ն երևան գալուն պես, այնպիսի մեծ ընդունելություն գտավ Հայաստանում: Աշխատավորությունը ազահորեն կարողում էր «Բակրա»-ն և այնտեղ գտնում էր իրեն հուզող հարցերի պատասխանները: Լենինյան «Բակրա»-ն բարձրացնում էր պրոլետարիատի խնդիրները, ցույց տալիս նրանց իրավունքները, թշվառ վիճակը և այդ վիճակից դուրս գալու միակ ճշմարիտ ուղին: Թերթի յուրաքանչյուր համար նոր լիցք ու թափ էր հաղորդում Հայաստանի, Ադրբեյջանի և Վրաստանի պրոլետարիատի ռևոլյուցիոն պայքարին: Լենինյան «Բակրա»-ի ռևոլյուցիոնացնող ներգործության տակ Անդրկովկասի սոցիալ-դեմոկրատների աշխատանքը զնալով ավելի լայն թափ է ընդունում: «Բակրա»-ն 1901 թ. նոյեմբերի 20-ի N 11-ում գոհունակությամբ նշում է նրանց ազդեցություն լայն աշխատանքը, զնալով մինչև հոկտեմբեր (խոսքը 1901 թվականի մասին է, — Հ. Բ.), Կոմիտեն հրատարակել է 16 պրոկլամացիա՝ 19.800 օրինակով: Բոլոր հրատարակությունները տպագիր էին: Հիանալի գրված այդ պրոկլամացիաները, որ լույս էին տեսնում ռուսերեն, հայերեն, վրացերեն լեզուներով, կարգում էին ոչ միայն Թիֆլիսի և Բաքվի այլ պրոլետարները: Ղրանք հասնում էին նաև Հայաստան և տարածվում նույնիսկ հեռավոր գյուղերը՝ մինչև Մալիշկա: «Բակրա»-ի կայծերը տարածվում էին ամբողջ Հայաստանով մեկ և լուսավորում նույնիսկ ամենախուլ անկյունները:

Թիֆլիսում, Բաքվում, Բաթումիում և Անդրկովկասի շատ քաղաքներում ու գյուղերում տեղի ունեցող ռևոլյուցիոն ելույթներին, մարքսիստական խմբակներին ու սոցիալ-դեմոկրատական կազմակերպություններին գործուն մասնակցություն էին ունենում նաև հայ բանվորները:

1902 թվականի փետրվարի 4-ին Բաթումիի ժանդարմական վարչության պետը Քուրախիի զինվորական նահանգապետին ներկայացրած զեկույցագրում հայտնում է, որ Մանթաշեի գործարանի 82 գործադուլավորներից ամենաակտիվները 30 հայեր էին, որոնցից 22-ն արդեն բանտարկված են, իսկ 8-ը գրտնրվելուն պես նույնպես կբանտարկվեն և ք...քանի որ հիշյալ հայերը գործադուլի մեջ կազմում են ամենավտանգավոր տարրերը... խնդրում եմ Ձեր գերազանցությանը՝ միջնորդություն հարուցել շտապ կարգով նրանց բնակեցնելու որքան հնարավոր է երկրի հեռավոր վայրերում, առավելապես Հյուսիսային Կովկասում, նրանց այնտեղ ոստիկանական հսկողության տակ հանձնելու որպես ոչ բարի դիտավորություններ ունեցող և հասարակական կարգի համար վտանգավոր մարդկանց, գործարանային քաղաքում, ինչպիսին Բաթումին է, ապրելու իրավունք չունեցողներին»⁷:

Լենինյան «Բակրա»-ի գոյության շրջանում, 1900—1903 թվականներին, Հայաստանում ստեղծվում են մի շարք մարքսիստական խմբակներ (Ալավերդում, Հաղպատում, Սանահին, Ալավերդի, Ուլուխանլու, Ալեքսանդրապոլ կայարաններում, Երևանում՝ Հայաստանում գտնվող գորամասերում, Շուստովի գինու գործարանում և այլ վայրերում), 1902 թվականին սոցիալ-դեմոկրատ

⁶ Մ. Շահումյան. Ընտիր երկեր, 1949, էջ 16:

⁷ ՄԲԿԳ Կենտկոմին Կից Մարքսիզմ-լենինիզմի ինստիտուտի վրաց. ֆիլիալի աբ-թիվ, ֆ. 31, գ. 24, թ. 181:

տական խմբակ է ստեղծվում Լեւոնապետական կայազորում: Մինչև 1904 թվականը նույնպիսի խմբակներ են ստեղծվում Կարսում, Ղափանի հանրությունում, Նոր Բայազետում:

Հայաստանում ավելի ու ավելի է մեծանում հետաքրքրությունը ղեպի մարքսիստական գրականությունը, ղեպի ռեդուկտիւնը թերթերում ու պրոկլամացիաները, ղեպի ռեդուկտիւնը ազատ, ճշմարտախոս մամուլը:

«Իսկրա»-ն, իսկրայական հրատարակությունները, Վ. Ի. Լենինի աշխատությունները, մարքսիստական անլեզու գրականությունն ու մամուլը Հայաստանի աշխատավորական մասսաների համար դառնում են հացի ու ջրի նման անհրաժեշտ ու կենսական:

Հայաստանում մարքսիզմի տարածումը և սոցիալ-դեմոկրատական կազմակերպությունների գործունեության ծավալումը պայմանավորված էր Լենինյան «Իսկրա»-ի երևան գալով:

Հայաստանում ռեդուկտիւնի զարգացման համար մեծ դեր խաղաց 1902 թ. Թիֆլիսում Ստ. Շահումյանի, Բ. Կենյանցի, Լ. Զորայանի ղեկավարությամբ հիմնված «Հայ սոցիալ-դեմոկրատների միությունը», որին Թիֆլիսի կոմիտեի հետ հաջողվում է հիմնել մի տպարան և նույն թվականի հոկտեմբերին հրատարակել անլեզու «Պրոլետարիատ» թերթը:

«Պրոլետարիատ»-ը «Իսկրա»-ի ծնունդն էր, նրա գաղափարների տարածողը հայերեն լեզվով, Լենինյան-իսկրայական ուղղության հայերեն առաջին թերթը: Հատկանշական է, որ թերթի ճակատին գրված էր «Ռուսական սոցիալ-դեմոկրատական լեզվաբանական պարտիա», իսկ «Պրոլետարիատ»-ի վերջին էջում իրեն խմբագրության հասցե ցույց էր տրված «Իսկրա»-ի խմբագրության հասցեն: «Իսկրա»-ի օրինակով «Պրոլետարիատ»-ը պայքարում էր «էկոնոմիստների», օպորտունիստների, բուրժուական նացիոնալիստների դեմ, պաշտպանում էր պարտիայի կազմակերպական Լենինյան սկզբունքները, մեծ նշանակություն տալիս մարքսիստական տեսության հարցերին, «Պրոլետարիատ»-ը մերկացնում էր դաշնականների և հնչականների ստոր գործելակերպը, նրանց սև ու մուկ ծրագրերը: «Պրոլետարիատ»-ի այսպիսի մարտական ոգին լեզուաբանական պետք է բացատրել նաև նրանով, որ թերթն ստեղծողները կապ ունեին Վ. Ի. Լենինի և «Իսկրա»-ի խմբագրության հետ:

Այդ թերթի առաջին համարում իբրև առաջնորդող տպագրված էր «Հայ սոցիալ-դեմոկրատների միության մանիֆեստը», որը սոցիալիստական իդեալի իրականացումը հնարավոր է համարում «միայն գոյություն ունեցող ամբողջ կարգի արմատական հեղափոխման միջոցով, սոցիալական ռեդուկտիւնի միջոցով, որի անհրաժեշտ նախնականը պետք է ծառայի պրոլետարիատի քաղաքական դիկտատուրան»:

Վ. Ի. Լենինը «Պրոլետարիատ»-ն ստացավ Լոնդոնում, 1903 թվականի հունվարին և ծանոթանալով թերթի բովանդակությանը, «Իսկրա»-ի № 33-ում հանդես եկավ «Հայ սոցիալ-դեմոկրատների միության մանիֆեստի մասին» ծավալուն հոդվածով, որը Լենինի մինչև այժմ հայտնի առաջին գրավոր ելույթն է հայ մարքսիստների գործունեության մասին:

«Մենք ամբողջ հոգով ողջունում ենք,— գրում է Վ. Ի. Լենինը,— «Հայ սոցիալ-դեմոկրատների միության» մանիֆեստը և մանավանդ ազգային

հարցի ճիշտ դրվածքը տալու նրա ուշագրավ փորձը: Մանիֆեստի վերաբերյալ անելով որոշ դիտողություններ՝ Վ. Ի. Լենինը հողվածն ավարտում է «մի անգամ ես ողջունելով Ռուսաստանի սոցիալ-դեմոկրատական բանվորական պարտիայի նոր անդամին՝ «Հայ սոցիալ-դեմոկրատների միությունը»:

Պարտիայի առաջնորդի այս բարձր գնահատականը ոգևորում է նոր եռանդ է տալիս Հայ սոցիալ-դեմոկրատներին: Ռեուլյուցիոն շարժումը Հայաստանում գնալով նոր, ավելի լայն մասսաներ է ներգրավում: Բարձրացող ալիքը շարժման մեջ է դնում նաև գյուղացիությունը:

Այդ շրջանում խոշոր գործադուլներ տեղի ունեցան Շամլուղի պղնձահանքերում: 1903 թվականի գարնանն ու աշնանը մի շարք գյուղացիական ելույթներ տեղի ունեցան Լոռիում և Հայաստանի այլ գյուղերում: Դժգոհություն, հուզումներն ու ռեուլյուցիոն տրամադրությունը այստեղ ավելի հեշտ էին ընդգրկում մասսաներին, որովհետև այս հետամնաց ծայրամասում նրանք, սոցիալական ճնշման հետ միասին, ենթարկվում էին նաև ազգային ճնշման ու հալածանքի:

Բանվորական աճող շարժումը ավելի հաջող գլխավորելու համար կենսական պահանջ դարձավ միավորվելը և մարզային ղեկավար կենտրոն ունենալը: Այդ նպատակով 1903 թվականի մարտին Ռիֆիխում անլեզալ կերպով հրավիրվեց ՌՍԴԲՊ Անդրկովկասյան կազմակերպությունների առաջին համագումարը, որը միաձայն ընդունեց «Բսկրա»-ի րադաքական գիծը:

Համագումարի որոշումը՝ ՌՍԴԲՊ Կովկասյան Միություն կազմելու մասին, ունեցավ խոշոր նշանակություն: Այն հնարավորություն տվեց Անդրկովկասում գործող անջատ-անջատ սոցիալ-դեմոկրատական կոմիտեներն ու խմբակները միավորել և համախմբել լենինյան «Բսկրա»-ի գիծը պաշտպանող միասնական պարտիական ղեկավար կենտրոնի շուրջը: Համագումարը Կովկասյան Միությունը հռչակեց ՌՍԴԲՊ-ի մի անբաժան ճյուղը, հավանություն տվեց «Բսկրա»-ի մշակած ու հրատարակած ՌՍԴԲՊ ծրագրի նախագծին և «Բսկրա»-ն հայտարարեց որպես պարտիայի ղեկավար օրգան: Համագումարը ՌՍԴԲՊ 2-րդ համագումարի պատգամավորներն ընտրեց Բ. Կնունյանցին, Դ. Տոփոբիձեին, Ա. Զուրաբյանին և նրանց պատվիրեց երկրորդ համագումարում պաշտպանել «Բսկրա»-ի ծրագրային, կազմակերպական ու տակտիկական գիծը:

Համագումարը որոշեց ունենալ ՌՍԴԲՊ Կովկասյան Միության տպագիր օրգան: Այդ նպատակով վրացական «Բրձուլա»-ն և հայկական «Պրոլետարիատ»-ը միավորվեցին և ստեղծվեց վրացերեն, հայերեն և ռուսերեն լեզուներով լույս տեսնող «Պրոլետարիատի կոիվը», «Պրոլետարիատիս բրձուլա» և «Բորբա պրոլետարիատա» թերթերը:

ՌՍԴԲՊ Կովկասյան Միության Կոմիտեի կազմակերպումը խոշոր նշանակություն ունեցավ՝ Անդրկովկասի՝ այդ թվում նաև Հայաստանի բանվոր դասակարգի և չքավոր գյուղացիության քաղաքական պայքարի կազմակերպման գործում: Կոմիտեն հենց սկզբից հաստատ կերպով կանգնեց լենինյան «Բսկրա»-ի դիրքերի վրա, դարձավ նրա հուսալի հենարաններից մեկը և իրեն հայտարարեց Ռուսաստանի սոցիալ-դեմոկրատական պարտիայի անբաժանելի մասը:

«Բսկրա»-ն անդրադառնալով Կովկասյան Միության խնտերնացիանալ բնույթին, գրել է. «Կովկասյան ընկերները ռուսսայական (ազգային) կազմա-

կերպությունների վճռական հակառակորդներ են և իր ծագման օրվանից կոմիտեներից յուրաքանչյուրն աշխատում էր բոլոր լեզուներով և ներկայացնում էր ամբողջ քաղաքի բանվորներին, առանց ազգային խտրության...

Հենիկյան «Իսկրա»-ն բազմիցս անդրադարձել է Անդրկովկասի, այդ թվում և Հայաստանի սոցիալ-դեմոկրատական շարժման խնտերնացիոնալ բնույթին, որը զարգանում էր բուրժուա-ճացիոնալիստական ուղղությունների դեմ մղվող անհաշտ պայքարում: Մերկացնելով բոլոր գույնի բուրժուական նացիոնալիստներին, որոնք ամեն կերպ աշխատում էին կտրել հայ, վրացի, ադրբեջանցի բանվորներին ուս պրոլետարիատից, ռևոլյուցիոն մարքսիստական պարտիայից և նրանց պայքարին սալ զուտ ազգային բնույթ, Բ. Կնունյանցը «Իսկրա»-ի № 51-ում գրել է. «Թուսը տարածում և փակցնում էր հայկական և վրացական պրոկլամացիաներ, հայ բանվորն ագիտացիա էր մղում թափարների մեջ, վրացի գրաշարը տպագրում էր ուսական թոուցիկներ, և նրանք բոլորը միասին, համատեղ, մշակում էին ցույցերի, գործադուլների, կազմակերպական ժողովների գործունեությունների պլանը»:

ԲՄԴԲԳ Կովկասյան Միության լայն գործունեության շնորհիվ Անդրկովկասի բանվորների պայքարն ավելի նպատակասլաց է դառնում: «Իսկրա»-ն հայտնում է, որ Կովկասյան Միությունը տարբեր լեզուներով մի շարք թոուցիկներ, կոչեր ու պրոկլամացիաներ է հրատարակել»⁹:

«Իսկրա»-ն ուշի-ուշով հետևում և ուղղություն էր տալիս հայ ժողովրդի հակացարական պայքարին: 1903 թվականի հունիսի 12-ին Նիկոլայ 2-րդ ցարը հաստատում է հայկական եկեղեցական ունեցվածքը կառավարության տնօրինությանը հանձնելու մասին թալանչիական օրենքը: Այդ առթիվ Բ. Կնունյանցը «Իսկրա»-ում «Կավկազեց» ստորագրությամբ հանդես է գալիս «Նոր կողոպուտ» վերնագրով մի ընդարձակ հոդվածով, որտեղ մանրամասն վեր է լուծում այդ օրենքի էությունը: «Իսկրա»-ն ժողովրդին բացատրում էր, որ այդ օրենքը կոպիտ ոտնձգություն է ազգային կյանքի ինքնուրույնության նույնիսկ ամենավերջին մնացորդների դեմ:

Թերթը պատմում է, որ Հայաստանի ժողովրդական մասսաները, փոքրից մինչև մեծը, մեկ մարդու նման ոտքի ելան հակահարված տալու հայ ժողովրդի ազգային իրավունքների դեմ ցարական կառավարության այդ նոր հարձակմանը: Անդրկովկասի տարբեր ազգությունների աշխատավորները լիակատար համերաշխությամբ ամեն կերպ աջակցում էին հայ ժողովրդին՝ նրա արդարացի պայքարում: «Իսկրա»-ն արձանագրեց, որ «Անդրկովկասը ռևոլյուցիոն փոթորկի մեջ է»: Մարքսիստական դիրքերից վերլուծելով ստեղծված իրադրությունը, Բ. Կնունյանցը «Իսկրա»-ում գրում է.

«Բայց սխալ կլիներ կարծել, որ միայն այդ օրենքը է վիճակի կլիներ նման փոթորիկ առաջացնել: Խաղաղ կուտուրական ձեռնարկությունների սիստեմատիկ հետապնդումները, տխրահույս «ոուսիֆիկացման քաղաքականությունը», 300-ից ավելի հայկական դպրոցների փակումը, բարեգործական հիմնարկների գործունեության սահմանափակումը, հրատարակչական ընկերության փակումը և մի ամբողջ շարք նման միջոցառումներ կամաց-կամաց

⁹ «Իսկրա», № 50. 1903:

¹⁰ Տե՛ս «Իսկրա», №№ 40, 41, 47, 49:

առաջ բերեցին սուր հակամարտություն հայկական ազգաբնակչության և կառավարության միջև, որը վաղ թե ուշ պետք է պայթեր։ Բայց վերջին միջոցը, ինչպես և նախորդները, կարող էր մնալ առանց բացահայտ ուղղություն բողոքի, եթե չլիներ բանվորական մասսաների հերոսական պայքարը Կովկասի արդյունաբերական կենտրոններում, որը ցույց տվեց ամբողջ երկրին, որ ինքնակալության դեմ պետք է և կարելի է պայքարել... Ահա թե ինչու հայ ժողովուրդը, այժմ սուր կերպով բողոքեց թագակիր ավաղակի նոր բարբարոսության դեմ և սկսեց դներ ձեռքին պաշտպանել իր իրավունքները¹¹։

Այնքան հրապույտ, Երևանում, էջմիածնում, Ջալալօղլիում, Ղարսօրիլիսայում, Թիֆլիսում, Ելիզավետպոլում, Բաքվում, Շուշիում ծավալված հակացարական վիթխարի միտինգներն ու ցույցերը շատ հաճախ վեր էին ածվում զինված ելույթների և զորքի հետ արյունալի ընդհարումների։ «Իժմար է պատկերացնել, թե ինչպիսի մարտական տրամադրություն է տիրում Կովկասի հայ բնակչության մեջ», — գրում է լենինյան «Իսկրա»-ն։ Այնուհետև թերթը նշում է, որ հուլիսին կանխելու համար զորքի հետ Շուշի է ուղարկվել նաև հրետանի, Թիֆլիսում՝ զնդացիներ, իսկ Բաքվում՝ կասպիական ճավատորմը մոտեցել է ափին։ «Ահա ձեզ ինքնակալության «ուժն» ու «հզորությունը», — գավելչտով գրում է «Իսկրա»-ն։ Ժողովրդական դժգոհության առաջին իսկ լուրջ զինված պայքարների ժամանակ նա բոլորովին կորցրեց գլուխը»։

«Իսկրա»-ն ցույց է տալիս ախուհետև, թե ինչպես նացիոնալիստական տարրերը խոսում էին միայն ազգային ինքնապաշտպանության մասին, առաջարկում սև զորակ բարձրացնել և սուգ պահել։ «Երբ ընդերները խիստ կերպով հանդես եկան նման պասսիվ բողոքի դեմ, նշելով, որ ոչ թե պետք է պաշտպանվել, այլ՝ հարձակվել, ոչ թե լաց լինել, այլ՝ պայքարել, հանդես գալ ոչ թե սև սգադրողով, այլ՝ կարմիր ուղղություն դրողով» — գրում է Բ. Կնունյանցը «Իսկրա»-ի № 49-ում։

Հայ սոցիալ-դեմոկրատները ակտիվորեն մասնակցում էին ցարիզմի դեմ ուղղված այդ ելույթներին և աշխատում էին ճիշտ ուղղություն տալ դրանց։ Նրանք հայ ժողովրդին հեռու էին պահում նացիոնալիստների ու կղերականների այն փորձերից, որոնք ճգնում էին շարժմանը տալ հակառուսական նացիոնալիստական բնույթ։ Լենինյան «Իսկրա»-ն այդ առթիվ նշելով հայ բնակիչների ճիշտ դիրքորոշումը, գրում է. «Հաճությամբ նշում ենք, որ Կովկասի մեր բնակիչները բոլորովին ճիշտ գնահատեցին հայկական եկեղեցական ունեցվածքի վրա ցարական արշավանքի քաղաքական նշանակությունը և իրենց օրինակով ցույց տվեցին, թե ինչպես պետք է ընդհանրապես սոցիալ-դեմոկրատիան վերաբերվի ամեն մի նման երևույթին»։

1903 թվականի բանվորների գարնանային և ամառային վիթխարի գործադուները, գյուղացիական ելույթները և ժողովրդական ուղղություն շարժումները ցույց են տալիս, որ Հայաստանը նույնպես թևակոխել է քաղաքական պայքարի նոր, բարձրագույն փուլը։ Այս բանում իր անգնահատելի ու մեծ դերն է խաղացել լենինյան «Իսկրա»-ն, որի յուրաքանչյուր համարին այնպես անհամբեր սպասում էին հայ աշխատավորները։ «Անյեզալ գրականությունը խլում են միմյանց ձեռքից» — գրում է «Իսկրա»-ն Հայաստանի մասին։

¹¹ «Իսկրա», № 49։

«Բուկրա»-ի նկատմամբ աշխատավորության ունեցած բուռն հետաքրքրության մասին է իր հուշերում պատմում 1902 թվականից ՍԽԿՊ անդամ Կ. Մեյլիք-Բերդյանը. «Չնայած որ մոտ 60 տարի է անցել այդ ժամանակից, սակայն լավ հիշում եմ, թե ինչպիսի հետաքրքրությամբ էին անցնում մեր պայապանքները: Ստ. Շահումյանը, որ ղեկավարում էր խմբակը, հաճախ իր հետ բերում էր լենինյան «Բուկրա»-ի համարները: Բայց մենք պատասխով ունկրողները չէինք: Մեզանից յուրաքանչյուրը պրոպագանդիստ էր, ագիտատոր, ամրացված ուղեք ձեռնարկության: Մեր գրույցները նրանց հետ (բանվորների,— Հ. Բ.) արտակարգ աշխույժ էին անցնում այն ժամանակ, երբ ձեռքերիս «Բուկրա»-ի նոր համար էր լինում: Ամենաթանկ ուղարկությամբ ծայրից ծայրընթացվում էին նրա էջերը: Նրանց, ովքեր ուսուցանում էին չէին հասկանում, բացատրում էինք մայրենի լեզվով: «Բուկրա»-ի նկատմամբ ունեցած բացառիկ հետաքրքրությունը հասկանալի էր: Չէ՞ որ նրա էջերում աշխատանքի մարդիկ գտնում էին իրենց հետաքրքրող հարցերի պատասխանները...»¹²:

Եվ լենինյան «Բուկրա»-ի գաղափարները ժողովրդի մեջ տարածող այդպիսի ագիտատորներին հայ ժողովուրդը ոչ միայն անհամբերությամբ էր սպասում, այլև պաշտպանում էր նրանց ցարական ոստիկանությունից: «Օրինակ, Ջալալօղլիում ուզում էին ձերբակալել,— գրում է «Բուկրա»-ն,— ագիտատորին, բայց ամբոխն ուժով նրան ետ խլեց և նա ազատ գնաց շարունակելու իր աշխատանքը հարևան գյուղերում»¹³:

Վ. Ի. Լենինը մեծ նշանակություն էր տալիս խմբագրության և Անդրկովկասյան սոցիալ-դեմոկրատական կազմակերպությունների հետ ունեցած կապի ամրապնդմանը, հետաքրքրվում էր, թե ինչպե՞ս է «Բուկրա»-ն հասնում ընթերցողներին, ի՞նչ կարծիքի են նրա թերթի մասին, ի՞նչ հարցեր են հուզում նրանց և ինչպիսի պարզաբանումներ են ուզում ստանալ, որ հողավձեններն ավելի շատ դուր գալիս և այլն: Վ. Ի. Լենինը բազմիցս նշել է, որ անհրաժեշտ է «...կենդանի կապ ստեղծել արտասահմանյան խմբագրության ու տեղական աշխատողների միջև և «Բուկրա»-ն դարձնել մեր ամբողջ բանվորական շարժման լիակատար արտացոլումը թե՛ նրա ամբողջության մեջ և թե՛ նրա առանձնահատկություններում»¹⁴:

Անդրկովկասի բանվորական և ուղղություն շարժումները հենց Իլիչի ուզած «լիակատար արտացոլումն» էին գտնում «Բուկրա»-ի էջերում: Ռուս, հայ և վրացի բանվորները թերթին գրում էին ամեն ինչի մասին և խմբագրությունից ստանում իրենց հուզող հարցերի պատասխանները: «Բուկրա»-ի № 21-ում տպագրված հաղորդումից իմանում ենք, որ Թոգղան, Լյուզվիզ և Տիգրան Կնունյանցները որպես ուղղություն ցույցի կազմակերպիչներ ու մասնակիցներ, իրենց ընտանիքներով ձերբակալվել են: «Բուկրա»-ի մեկ ուրիշ համարում կարդում ենք. «Հայ ժողովրդի համբերության բաժակը լցվել է...» և նման շատ հաղորդումներ, լուրեր, ինչպես նաև հենց իրենց՝ հայ աշխատավորների գրած նամակներ, թղթակցություններ:

Անդրկովկասի սոցիալ-դեմոկրատական կազմակերպությունները «Բուկրա»-ի խմբագրությունից պարբերաբար ստանում էին մեծ քանակությամբ

¹² «Մեկնություն հայաստան» (տրանսկրիպտ), 24 դեկտեմբերի 1980 թ.:

¹³ «Բուկրա», № 301:

¹⁴ Վ. Ի. Լենին, Երկեր, հատ. 34, էջ 142:

գրականություն, «Խսկրա»-ի համարներ, զանազան հարցերի մասին գրված հանրամատչելի բրոշյուրներ, ինչպես նաև Վ. Ի. Լենինի մի շարք աշխատությունները:

Վ. Ի. Լենինը քաջատեղյակ լինելով Հայաստանում ծավալված ռեոլյուցիոն շարժումներին և տեսնելով այն հետաքրքրությունը, որ ցուցաբերում էր հայ ժողովուրդը ղեպի մարքսիստական անկեղծ գրականությունը, հարց դրեց հայերեն լեզվով հրատարակել հանրամատչելի բրոշյուրներ, մարքսիստական-ռեոլյուցիոն գրականություն: Այդ կապակցությամբ Վ. Ի. Լենինը արտահայտեց ՌՄԴԲՊ Կովկասյան Միության Կոմիտեին գրել է. «Մենք այժմ եռանդուն մտածում ենք այստեղ վրացական և հայկական գրականության հրատարակության կազմակերպման մասին: Այդ գործին ձեռնամուխ են եղել ձեռնհաս րենկերները»¹⁵:

ժնկում կազմակերպված վրացերեն և հայերեն լեզուներով սոցիալ-դեմոկրատական գրականության հանձնաժողովի կազմակերպիչներից ու ղեկավարներից մեկը Ստ. Շահումյանն էր: Ստ. Շահումյանը մեծ ջանքեր էր թափում այդ կարևոր գործի իրականացման համար: Կարճ ժամանակում ժնկի պարտիական տպարանը ձևոր է բերում հայկական տառեր և սկսում է հրատարակել ռեոլյուցիոն թուղթիկներ, կոչեր, բրոշյուրներ, գրքեր և ուղարկում տեղերը:

Հայերեն լեզվով հրատարակվում է Կ. Մարքսի «Վարձու աշխատանք և կապիտալ» երկը, առաջին անգամ հայերեն լեզվով լույս տեսավ Կ. Մարքսի և Ֆ. Էնգելսի «Կոմունիստական պարտիայի մանիֆեստի» լրիվ տեքստը:

Հետագայում Մ. Մանուչարյանը (Չար) իր հիշողություններում գրում է. «Հենց այժմ իմ աչքի առջև ինչպես կենդանի տեսնում եմ գրաշարների կողքին, տառարկղների վրա գլուխը կախած Ստեփանին, մի փոքրիկ տպարանում, որտեղ տպագրվում էին «Խսկրա»-ն և մեր գրքույկները»¹⁶:

«Խսկրա»-ի կողմից պրոպագանդիզմ մարքսիստական-լենինյան դադափարների խոր ազդեցության տակ Անդրկովկասի մյուս ժողովուրդների հետ միասին հայ ժողովրդի գիտակցության մեջ էլ արմատական բեկում տեղի ունեցավ: Մարքսիզմ-լենինիզմն սկսեց տիրապետել ավելի ու ավելի լայն մասսաների մտքերին: «Կատարվեց այն,— գրում է Ստ. Շահումյանը,— ինչ որ պետք է կատարվեր: Հայ ժողովուրդն էլ դուրս եկավ իր նահապետական սահմանափակ «ազգային» կյանքի շրջանակներից և կապվեց լայն, լուսավոր, քաղաքակիրթ աշխարհի հետ: Եթե մինչ այժմ մենք ունեինք առանձին անհատներ, կամ ինտելիգենտական խմբեր, որոնք կրթվելով Ռուսաստանի կենտրոններում կամ Եվրոպայում, ճաշակելով Եվրոպական քաղաքակրթության պտուղները, գալիս էին մեզ մոտ «բարոգիչների», «լուսավորիչների» դիրով, այժմ մենք ունենք ամբողջ դասակարգեր, որոնք իրենց էությամբ, իրենց սրբեկտիվ դրությամբ, իրենց իրական կյանքով ներկայացնում են որպես լուրջ ուժ ինչպես սոցիալ-տնտեսական պայմանների հեղաշրջման, որը ստեղծվել է նաև մեր կյանքում»¹⁷:

¹⁵ Վ. Ի. Լենին, Երկեր, հատ. 34, էջ 199:

¹⁶ «Բակիսի ի բարոյի», № 241, 1922:

¹⁷ Ստ. Շահումյան, Երկեր, հատ. 1, էջ 123:

Հայ սոցիալ-դեմոկրատներն ամենաշուք ունեցողությամբ հետևում էին ռեվոլյուցիոն թեորիայի հարցերին և անողոր պայքարում զրա աղավաղման ամեն մի փորձի դեմ: Այս տեսակետից առանձին հետաքրքրություն է ներկայացնում Լենինյանի և Լիտվայի սոցիալ-դեմոկրատական թերթերից մեկում տպագրված «Կոմկասի սոցիալիստական շարժումից» վերնագրով հոդվածի առթիվ Ստ. Շահումյանի նամակը «Իսկրա»-ի խմբագրությանը, որը տպագրված է թերթի 50-րդ համարում: Հեղինակը նշում է, որ այդ հոդվածը բոլորովին սխալ է լուսարանում Կոմկասի սոցիալ-դեմոկրատիայի գործունեությանը ու կազմակերպչական սկզբունքները: Այնուհետև նամակի հեղինակը կոնկրետ փաստերով ցույց է տալիս, որ «Կոմկասյան սոցիալ-դեմոկրատիան ինչպես այժմ, այնպես էլ առաջ, մինչև Միության հիմնումը, կազմակերպչական հարցերում կանգնած է Ռուսաստանի ողջ պրոլետարիատի շահերը պաշտպանող ու ներկայացնող միասնական պարտիայի կողմը: Կազմակերպչական այն պլանը, որ անց է կացված մեզ մոտ, ոչնչով չի տարբերվում այն պլանից, որի պաշտպանը մեր գրականության մեջ հանդիսանում է «Իսկրա»-ն»¹⁸:

Անդրկոմկասի աշխատավոր բնակչության մեջ տարածվող մարքսիստական գրականությունն ու հատկապես «Իսկրա»-ն, ուղղություն էին տալիս երկրամասի ռեվոլյուցիոն սոցիալ-դեմոկրատիայի գործունեությանը և լուսավորում բանվորական շարժման ուղին. շարժում, որ ինչպես նշում էր Լենինյան «Իսկրա»-ն, չնայած «ղեկ շատ երիտասարդ է, բայց այն իր ետևում ունի պրոլետարիատի փայլուն ելույթների մի ամբողջ շարք: Կարճ ժամանակում Կոմկասի բանվորներն առաջ անցան շատ վայրերի ընկերներից, որոնք նրանցից ավելի շուտ էին ընդգրկվել շարժման մեջ»¹⁹:

Լենինյան «Իսկրա»-ն ու նրա հրատարակությունները անգնահատելի դեր խաղացին Հայաստանում Լենինյան իսկրայական ուղղությամբ սոցիալ-դեմոկրատական կազմակերպությունների ձևավորման, հայ աշխատավորության մեջ մարքսիզմի գաղափարների տարածման ու բուլշևիզմի դրոշմի ներքո նրան համախմբելու գործում:

1902 թվականի օգոստոսին Նոր Բայազետի գավառի Ելենովկայի բնակիչ Տիմոֆեյ Աֆոնսի հասցեով ստացվում է մի ծրար, որի մեջ հայտնաբերվում են Լենինյան «Իսկրա»-ի հրատարակություններ, ինչպես նաև «Զինվորի հուշագիր» բրոշյուրը: Նույն թվականին, Ելենովկայի փոստահոգատանը ոստիկանությանը հաջողվում է բռնել Սեմյոնովկա գյուղի բնակիչ Իվան Նեխորոշու անունով ստացված «Նարոդնի լիստոկի» 1902 թվականի № 4 և № 9, «Ռուս ջուլհակ Պյոտր Ալեքսեևիչ Ալեքսեև» և «Ին ինչպես տերտերները մոզովրդին ստրկացրին Փրիստոսի ուսմունքով» խորագրերով բրոշյուրները: Արխիվային փաստաթղթերից երևում է, որ միայն 1903 թվականի փետրվար-մայիս ամիսներին երևանի բնակիչ, գիմնազիայի ուսուցչուհի Նատալյա Ֆեոդորովնա Պետրովայի հասցեով արտասահմանից ստացվել են մի շարք նամակներ, որոնց մեջ եղել են «Իսկրա»-ի տասը համարների (№ 28—37) մի շարք օրինակներ:

Լենինյան «Իսկրա»-ի առաքումը Հայաստան հատկապես ուժեղանում է ԽՍՀՄ-ի 2-րդ համագումարի նախօրյակին: «Իսկրա»-ն ստացվում էր Երևան-

¹⁸ «Նամակ խմբագրությանը», «Իսկրա», № 50, 1903:

¹⁹ «Իսկրա», № 44, 1903:

նում, Զալալօղլիում (Ահարոն Իսահակյանի անունով), Ղարսում, Ալեքսանդրապոլում և այլ քաղաքներում²⁰,

«Իսկրա»-ն Հայաստան էր բերվում զանազան կոնսպիրատիվ ուղիներով. արտասահմանից Անդրկովկաս եկող հուսալի ընկերների հետ, կրկնակի հատակ ունեցող ճամպուրկներով և այլ միջոցներով: Կասկածից վեր է, որ «Իսկրա»-ի շատ ու շատ համարներ չեն բռնվել ցարական ոստիկանության կողմից և Անդրկովկասի սոցիալ-դեմոկրատական կազմակերպությունների միջոցով հասել են աշխատավորներին ու լուսավորել նրանց գաղափարները: Անդրկովկասում երևան են գալիս նոր տպարաններ, վերակառուցվում են հները, ընդլայնվում է Անդրկովկասի սոցիալ-դեմոկրատների գրական հրատարակչական գործունեությունը: Այդ ժամանակվա ընդհատակյա ակտիվ գործիչներից Տիգրան Վախտանգովը և պրոլետարական բանաստեղծ Հակոբ Հակոբյանը իրենց հուշերում պատմում են, թե ինչպես 1902 թվականի աշնանը Թիֆլիսում Կամոյի ղեկավարությամբ ստեղծված ընդհատակյա տպարանում հայերեն տառերով հրատարակվում են թռուցիկներ ու կոչեր:

ՌՍԴԲՊ Անդրկովկասի կոմիտեի կոչերի, թռուցիկների ու պրոկլամացիաների հրատարակմանն ու տարածմանը Ստ. Շահումյանից, Ս. Սպարապետյանից բացի ակտիվ մասնակցում էին նաև Բ. Կնունյանցը, Կամոն, Մելիք Մելիքյանը (Դեղուշկա), Հ. Հակոբյանը, Մարտիրոս Միքայելյանը (բանվոր Շանթ), Թագուհի Մելիք-Շահնազարյանը, Արտաշես Օհանջանյանը և ուրիշներ:

Լենինյան «Իսկրա»-ի ազդեցության տակ գնալով ավելի էր ծավալվում Անդրկովկասի իսկրայականների գործունեությունը: 1902 թվականին ՌՍԴԲՊ Բաքվի կոմիտեն հայերեն և ռուսերեն լեզվով հրատարակեց մի քանի տասնյակ թռուցիկներ, կոչեր, բրոշյուրներ և թերթիկներ:

Վ. Ի. Լենինը մեծ նշանակություն էր տալիս այդ մարտական թերթիկներին և գտնում էր, որ դրանք դարձել են պրոպագանդայի կարևոր միջոց, «Տեղական սոցիալ-դեմոկրատական աշխատանքը,— գրել է Վ. Ի. Լենինը,— մեզանում արդեն բավական բարձր զարգացման է հասել: Սոցիալ-դեմոկրատական իդեալների սերմերը Ռուսաստանում արդեն նետված են ամենուրեք. բանվորական թերթիկները—սոցիալ-դեմոկրատական գրականության այդ առաջին ձևը — արդեն ծանոթ են բոլոր ռուս բանվորներին՝ սկսած Պետերբուրգից մինչև Կրասնոյարսկ և Կովկասից մինչև Ուրալ»²¹,

Լենինյան «Իսկրա»-ի երևան գալը բարերար ազդեցություն ունեցավ Անդրկովկասում նաև պարբերական մամուլի զարգացման վրա: Սկսեցին լույս տեսնել իսկրայական ուղղության անլեզալ թերթեր: 1901 թվականին լույս տեսավ վրացական «Երժուլ»-ն, 1902 թվականին հայկական «Պրոլետարիատ»-ը, 1903—1905 թթ. հայերեն, վրացերեն և ռուսերեն լեզուներով «Պրոլետարիատի կոիվր», «Պրոլետարիատի բրձուլա», «Բորբա պրոլետարիատ» թերթերը, «Պրոլետարիատի կոլի» թերթիկը, որոնց խմբագրությունների կազմում մտնում էին հավատարիմ լենինյաններ՝ Ստ. Շահումյանը, Ի. Ստալինը, Ա. Մուլուկիձեն, Բ. Կնունյանցը, Մ. Ցխակայան և ուրիշներ:

²⁰ Փաստերը թողել ենք Խ. Բաբեղյանի կողմից «Լենինյան ակտիվ» մատյանում 1957 թ. № 10.ում հրատարակված փաստաթղթերից:

²¹ Վ. Ի. Լենին. Երկեր, հատ. 4, էջ 268:

«Պրոլետարիատի կռիվը» թերթում են լույս տեսել Վ. Ի. Լենինի աշխատությունների առաջին հայերեն թարգմանությունները: «Իսկրա»-ից թարգմանվել և թերթի № 2—3-ում են տպագրվել «Խնքնակալությունը տատանվում է»²² և «Ծանուցում «Կազմակերպական կոմիտե» կազմելու մասին»²³ լենինյան հոդվածները, որը պատմական մեծ իրադարձություն էր հայ աշխատավորության կյանքում:

Անդրկովկասի սոցիալ-դեմոկրատները թարգմանում ու իրենց հրատարակած պարբերականներում տպագրում էին լենինյան «Իսկրա»-ի նաև ուրիշ շատ հոդվածներ: «Իսկրա»-ն այն անսպառ աղբյուրն էր, որտեղից սնվում, տոն ու ուղղություն էր ստանում Անդրկովկասի, այդ թվում նաև Հայաստանի պարտիական կազմակերպությունը և նրա մամուլը: «Իսկրա»-ի շուրջը և նրա դաշտափարների ղեկավարությամբ, — գրել է Վ. Ի. Լենինը, — բանվորական մամուլը հսկայական չափերով աճեց նախառևույցի տարիներում: Անցնեզուրային թերթիկների և շփուլատրված տպարանների քանակը չափազանց մեծ էր ու արագ աճում էր Ռուսաստանի բոլոր ծայրամասերում:

Պատմությունը հաստատեց լենինյան թերթի գաղափարների ու գործի ամբողջ վեհությունը, ցույց տվեց դրանց անգնահատելի նշանակությունը մեր պարտիայի գործունեության և նրա մամուլի համար:

* * *

Հայաստանում ռեզոլյուցիոն շարժումների զարգացումը պայմանավորված էր լենինյան «Պայքարի միության» և «Իսկրա»-ի գոյությամբ: Լենինյան «Իսկրա»-ն ու նրա հրատարակություններն էին, որ հասնելով հայ մարքսիստներին ու աշխատավորներին, ձև ու ուղղություն էին տալիս նրանց գործունեությանը, նրանց ռեզոլյուցիոն պայքարին: Անդրկովկասի սոցիալ-դեմոկրատները ամեն հնարավոր միջոցներով աշխատում էին «Իսկրա»-ն, մարքսիստական գրականությունն ու պարտիական փաստաթղթերը հասցնել Անդրկովկաս, այդ թվում նաև Հայաստան: «Իսկրա»-ն Հայաստան էր բերվում փոստով, ինչպես նաև զանազան կոնսպիրատիվ եղանակներով:

Հայաստանում ռեզոլյուցիոն շարժումների զարգացման համար մեծ դեր խաղաց Ստ. Շահումյանի, Բ. Կոնյանցի, Ա. Զուրաբյանի ղեկավարությամբ 1902 թվականի հոկտեմբերին հիմնված հայ սոցիալ-դեմոկրատների միությունը, որի օրգան իսկրայական ուղղության «Պրոլետարիատ» թերթի առաջին համարում տպագրված «Հայ սոցիալ-դեմոկրատների միության մանիֆեստի» մասին Վ. Ի. Լենինը հանդես եկավ «Իսկրա»-ի № 33-ում և բարձր գնահատեց հայ մարքսիստների ճիշտ դիրքորոշումը «և մանավանդ ազգային հարցի ճիշտ դրվածքը տալու նրա ուշագրավ փորձը»: Պարտիայի առաջնորդի այս բարձր գնահատականը նոր ուժ ու եռանդ է տալիս հայ սոցիալ-դեմոկրատական կազմակերպություններին ու ընդհատակյա մարքսիստական խմբակներին, որոնք «Իսկրա»-ի գոյության շրջանում լայն տարածում էին ստացել Հայաստանում:

²² Տես Վ. Ի. Լենին, Երկեր, հատ. 6, էջ 435—442 (թարգմանված է «Իսկրա»-ի № 33-ից):

²³ Նույն աեղում, էջ 384—389 (թարգմանված է «Իսկրա»-ի № 32-ից):

²⁴ Վ. Ի. Լենին, Երկեր, հատ. 20, էջ 304:

Լենինյան «Իսկրա»-ի գաղափարների ազդեցության տակ ռևոլյուցիոն շարժումը Հայաստանում գնալով ճոր, ավելի լայն մասսաներ է ներգրավում, խոշոր գործադուլներ եղան Շամլուղի պղնձահանքերում, Բարձրացող ալիքը շարժման մեջ է դնում նաև գյուղացիությանը, 1903 թվականի գարնանն ու աշնանը մի շարք գյուղացիական ելույթներ տեղի ունեցան Լոռիում և Հայաստանի այլ վայրերում:

1903 թվականի հունիսի 12-ին ցարը ստորագրում է հայկական եկեղեցական ունեցվածքը կառավարության տնօրինությանը հանձնելու մասին թալանչիական օրենքը: Այդ առթիվ Բ. Կնուճյանցը «Իսկրա»-ում հանդես է գալիս «Նոր կողոպուտ» հոդվածով: «Իսկրա»-ն հայ ժողովրդին բացատրում էր, որ այդ օրենքը կոպիտ ոտնձգություն է ազգային կյանքի ինքնուրուխության նույնիսկ ամենավերջին մնացորդների դեմ և կոչ էր անում հայ ժողովրդին ոտքի ելնել ու հակահարված տալ ցարական կառավարության այդ ոտնձգությանը:

Հայաստանում, ինչպես նաև Անդրկովկասի հայաբնակ վայրերում տեղի են ունենում հակացարական միտինգներ, զորքի հետ արյունալի ընդհարումներ, «Դժվար է պատկերացնել, թե ինչպիսի մարտական տրամադրություն է տիրում Կովկասի հայ բնակչության մեջ» — գրում է Լենինյան «Իսկրա»-ն:

Հայ սոցիալ-դեմոկրատները, ղեկավարվելով «Իսկրա»-ի ցուցումներով, աշխատում էին ճիշտ ուղղություն տալ ցարիզմի դեմ ուղղված աշխատավորական այդ ելույթներին: «Իսկրա»-ն այդ առթիվ նշում է, որ հայ սոցիալ-դեմոկրատները միանգամայն ճիշտ կողմնորոշվեցին:

Լենինյան «Իսկրա»-ի բարերար ազդեցության տակ գնալով ավելի էր մեծանում ՌՄԴԲՊ Անդրկովկասի կոմիտեների գործունեությունը: Լայն ծավալ է ստանում Նրանց ընդհատակյա զրական-հրատարակչական գործունեությունը: Ստեղծվում են նոր տպարաններ, ընդլայնվում են հները: «Իսկրա»-ն բազմիցս նշել է հայերեն, վրացերեն, ադրբեջաներեն լեզուներով հրատարակված մոբիլիզացնող կոչերի, թուղիկների մասին:

Լենինյան «Իսկրա»-ի երևան գալը բարերար ազդեցություն ունեցավ Անդրկովկասի նաև պարբերական մամուլի զարգացման վրա: Սկսեցին լույս տեսնել իսկրայական ուղղության անլեզալ թերթեր, որոնք հաճախ թարգմանում ու իրենց էջերում տպագրում էին «Իսկրա»-ի շատ հոդվածներ:

Լենինյան «Իսկրա»-ն այն անսպառ ազդյուն էր, որտեղից սնվում, տուն ու ուղղություն էր ստանում Անդրկովկասի, այդ թվում նաև Հայաստանի պարտիական կազմակերպությունը և նրա մամուլը:

«Իսկրա»-ի կողմից պրոպագանդվող մարքսիստական-լենինյան գաղափարների խոր ազդեցության տակ, Անդրկովկասի մյուս ժողովուրդների հետ միասին հայ ժողովրդի գիտակցության մեջ էլ արմատական բեկում տեղի ունեցավ: Լենինյան «Իսկրա»-ի գաղափարներն սկսեցին տիրապետել ավելի ու ավելի լայն մասսաների մտքերին:

Լենինյան «Իսկրա»-ի վառած կայծից մի հզոր բոց բռնկվեց նաև Հայաստանում: